



# Gou Eu Fwencuengh Hawj Dangj Dingq

## 我唱赞歌给党听

□ Cinz Siengzcouh/覃祥周

Daengngoenz okdaeuj seiqlengq  
rongh,  
Gou eu fwencuengh hawj dangj dingq;  
Gimge(Gaeqgim) funghvuengz mbin  
gvaq lingq,  
Doengzcaez daeuj dingq fwen haenh  
dangj.

Roegraeu gyaез roengz reih lwgraz,  
Vameiz gyaез soengz gwnz faex sang;  
Bouxcuengh ceiq gyaез gungcanj-  
dangj,  
Cauh dangq gomiuz gyaез raemxraiz.

Duzroeg gyaез ndoeng bya gyaез dah,  
Daj iq gou couh gyaез guekcoj;  
Ngoenzseng dangj raeuz sim goenjfoq,  
Gou vih guekcoj eu diuz fwen.

Guengjsae gohaij cien bi nanz,  
Beijfwen rim mbanj lumj va langh;  
Fwencuengh eu hawj gungcanjdangj,  
Seiqfueng bouxcangh(canghfwen)  
daeuj doxcomz.

Dangj raeuz laebbaenz yaек bak bi,  
Guekcoj gizgiz yienghsiengq moq;  
Lwglan Bouxcuengh gyaез ciengq go,  
Caez daeuj goenghoh aendangj raeuz.

It gouj ngeih it mbouj ndaej lumz,  
Fwnfnw rumzrumz daengz ngoenz-  
neix;  
Ruzhoengz Nanzhuz hai cien leix,  
Hawj raeuz yied ngeix sim yied  
diemz.

Ruzhoengz hai daeuj ndaej bak bi,  
Yungyiemj gizgiz cungj mbouj lau;  
Rumz hung dongj daeuj doengh-  
ngauzngauz,  
Ciuqyiengh mbouj lau bongh baenaj.

It gouj ngeih caet miz saeh laux,  
Bet nyied it hauh mbwn byajraez;  
Nanzcangh Gijyi laeb ginhdui,  
Daj neix doxbae engq miz rengz.

Ginhdui byaij sae youh byaij doeng,  
Yaengx mbaw geizhoengz bae mbouj  
dingz;  
Dingq dangj cijveih couh ndaej hingz,  
Caen lumj mbwn nding miz ndit  
rongh.

Daengngoenz okdaeuj ndongq lumj

gim,  
Hengzguh gwzmingz beksingq angq;  
Yinzminz ginhdui ceiq gyaез dangj,  
Fwngz gaem cungqgang bae hoenx-  
ciengq.

Ciencien fanhfanh dangjyenz ndei,  
Bouxbox cungj geiq ngoenz haeuj  
dangj;  
Youq laj dangjgeiz doengzcaez gangj,  
Riengz gungcanjdangj sim mbouj  
bienq.

Dangjyenz gangj daengz hix guh  
daengz,  
Mwhmwh riengz laeng gungcanjdangj;  
Gungcanj Cuiyi dwg lijsiengj,  
Byaij diuz loh gvangq mbouj  
doenghngauz.

Duzmax miz rengz byaij ndaej gyaе,  
Vunz baengh sim caez guh cij hingz;  
Mbouj lumz simnduj geiq sawjmingh,  
Dangjyenz sim dingh lumj gangdiet.

Ciencien fanhfanh vunz Cungguk,  
Riengz dangj bae buек giz dem giz;  
Haengrengz gwzming geijcib bi,  
Doeklaeng cij miz ngoenz mbwn angj.

Geijlai dangjyenz mbouj lau dai,  
De vih vunz lai bae vutmingh;  
Vihliux gwzming guh ndaej hingz,  
Lae gij lwednding youq gwnznamh.

Veijda Cungguk Gungcanjdangj,  
Cauh lumj ndit angj youq baihoeng;  
Dazyinx bouxminz guh baenzgoeng,  
Yaengx mbaw geizhoengz mbinya-  
gyag.

It gouj seiq gouj ceiq nanz lumz,  
Gwnz Denh 'anhmwenz daeng rongh-  
sag;

Mauz cujsiz raeuz fwngz hung vad,  
Bouxminz doxrag ndwn hwnjdaeu.

Cungguk bouxminz ndaej gaijfang,  
Baengh gungcanjdangj cij guhbaenz;  
Gij goenglauz de gangj mbouj caenh,  
Bouxbox angqhaenh youq ndawsim.

Gwzming conzdungj yaек fatyengz,  
Guekgya fouqgiengz cij baenzgoeng;  
Riengz gungcanjdangj yaengx geiz-  
hoengz,  
Diuzloh cij doeng bae coh rongh.

Dangj daiq bouxminz guh gensez,  
Gunghyeз nungzyez yamq hwnj bouh  
(mbaek);  
Guekgya yied ngoenz yied baenzfouq,  
Gwndaenj yied daeuj yied vuenyungz.

Gaijgwz hailangh miz cingzcek,  
Cauh lumj mbwn ndit daengx biengz  
rongh;  
Guekgya hwngfat ngoenzngoenz  
hoengh,  
Seiqgyaiq cungj muengh coh Cung-  
guk.

Ndaej gwn maknganx cij rox van,  
Ndaej haeuj ndawranz cij rox raeuj;  
Cingcinj fuzbinz guh hwnjdaeu,  
Siujgangh rumz raeuj ci doh biengz.

Hwnj bya roq nyenz cienз bae gyaе,  
Dangj guh saehndei ceiq yunghrengz;  
Vih minz fuzvu ngoenzngoenz hengz,  
Dangj raeuz caen bengz gvaq bohme.

Guengjsae ngoenzngoenz hoengh  
baenaj,  
Duzrwi mbungqmbaj mbin guhdoi;  
Bouxminz swngghoz van baenz oij,  
Saeh angq baenz roix gangj mbouj  
caez.

Ranzlaeuz ranzsang hwnj baenz  
hangh(baiz),  
Dienhdaeng yaepgyangh lumj gyang  
ging;  
Lwglan doegsaw youh coengmingz,  
Haeujbae Baekging doeg daihhag.

Roen bya bienq gvangq youh bienq  
soh,  
Gausuk goengloh gvaq henz ranz;  
Gaudiet doenghci hwnj gunjbyanz  
(nauhyied),  
Gveicouh Yinznanz hix bienq gyawj.

Guhhong cungj yungh gihaiva,

Ndaem reih ndaem naz lai fueng-  
bienh;  
Vulenz vangjloз lienз baenz sienq,  
Gaicawx canh cienз mbouj okrog.

Bya heu raemx loeg mbwn youh angj,  
Ndaw singz lajmbanj lumj suenva;  
Roeg heuh va rang gyaеu dangqmaz,  
Sim vunz hai va lumj bouxsien.

Bouxlaux bouxcоз lienз ndangdaej,  
Ngoenzngoenz vuenheij buetyouyou;  
Yah laux dawz beiz bae diuqfoux,  
Cungj beij duzyou lij cwxcaih.

Cungguk hwngfat daengz ngoenz-  
neix,  
Baengh Dangj cij ndaej miz vuen-  
yungz;  
Doengzsim saedyienh Cunghgozmung,  
Raeuz dingh vuenyungz bae fanh  
daih.

Hwnzloq Cungguk(Cunghgozmung)  
gaiq bouxminz,  
Lajmbanj ndaw singz siengj dox-  
doengz;  
Vunz lai riengz dangj bae yunghgoeng,  
Loqsiengj miz ngoenz baenz dahraix.

Byacwx aij(vienznaeuz) sang hix miz  
dingj,  
Dahraemxnding raez hix miz byai;  
Dangj raeuz aencingz caen dwg lai,  
Sing fwen ciengq hai rim biengzdeih.

Diuz Dahraemxhoengz liz raeuz gyaе,  
Hwnzngoenz lae bae cienfanh leix;  
Gangj gungcanjdangj gij cingzngeih,  
Beij Dahraemxhoengz vanzlij raez.

Raemxdah Yunghgyangh lae baih-  
doeng,  
Valeux hai mboeng coh daengngoenz;  
Bouxcuengh riengz dangj byaij diuz-  
roen,  
Moqnaj ndwenngoenz ndei fanh daih.



“Baezneix mwngz dauqma, wng-  
gai menhmenh ra bawx lo!”

“Lij ra maz dem, nanzdauh Siu  
Cuh de——”

“Lwg, gaeng gvaq song bi, mwngz  
lij yienghneix niemh de, hozbiet ne?”

“Meh, dauqdaej miz maz saeh,  
mwngz miz vah cigsoh gangj, gaej  
baenzneix gvax bae gvax dauq!”

“Siengj ndaej hai di, lajmbwn  
youh mbouj cij miz Siu Cuh boux  
dahsau ndeu ndwi.”

“De——de haq vunz la?”

“W.”

“Seizlawz?”

“Ndwen gonq gaeng seng laeq  
lwgsai lo! Ngoenzcog guh laeuj-  
rimndwen ne! Danghnaeuz mbouj dwg

·Sawcuenhvaez Lwgnyez·

## Gij Golwgnyez Henz Dahhoengz

### 红 水 谣

□ Lanz Haijyangz Moz Beibei / 蓝海洋 莫蓓蓓

aenvih gwnzbiengz mbouj daiq  
bingzonj, dingqgangj lij aeu dap  
daizheiq ciengq 3 hwnz 3 ngoenz  
hane!”

“O! Haq hawj ranz byawz?”

“Lij miz byawz? Mbanj raeuz  
ranz ceiq fouqmiz ha!”

“Ranz Cinz Dayenz?” Lungz  
Byauh cij roxnyinh gij lwedndat cung  
coh dinggyaeuj, aen uk bongz ndaej  
miz di ngunh, “ranz de byawz?  
Daegsei?”

“Deng ha! Daegsei de mbouj  
dwg caeuq mwngz doengz bi lwi?”

“Ah Gwnh? Ced vunz haenx  
gangj vah lumj dahsau nei! Siu Cuh  
mbouj haengj de hane, gou mbouj  
saenq! Gou mbouj saenq!”

Lungz Byauh daemh din, gaemh  
gaemxgienz, haeb heuj yiengjeickik  
bae.  
(caengz sat)